



Centar za zastupanje  
građanskih interesa

## Budžetski road-show je na putu!

**Čujte i počujte narode, budžetski road-show je na putu!**

### Glavna zvijezda nastupa: prof.dr. Svetlana Cenić

Koliko platna lista uposlenih govori o tome kuda se izdvajaju pare od njihove plaće? Da li znaju koji postotak penzije odlazi na poreze? Ako nisu znali koga da pitaju ili kome da se obrate, građani se pozivaju na otvorenu tribinu ekspertice za [javne finansije](#) Svetlane Cenić.

Na jednom mjestu će imati priliku da razjasne za šta vlasti sasvim legitimno izdvajaju velike svote za različite poreze. Građani će biti slobodni da pričaju o lokalnim problemima u javnim finansijama i da li misle da se one, zapravo, troše na javna dobra. Također će imati priliku da iznesu svoja mišljenja i razrješe dileme. Oni imaju zakonsko pravo da znaju sve o budžetima i za šta se troši taj novac, te kako doći do tih informacija. Svetlana Cenić je dugogodišnji ekonomski ekspert za pitanja javnih finansija i moći će odgovoriti na pitanja koja građani sebi postavljaju, a nisu znali kome da se obratite da dobiju objašnjenja ili se nisu usudili da pitaju. Svi građani koji žele da znaju kako funkcionira potrošnja javnih institucija, šta mogu uraditi da je poboljšaju i ko ih, zapravo, šiša, su dobrodošli. Otvorena tribina će se održati prema sljedećem rasporedu:

- 26 maja 2011. godine u kino Sali Narodnog sveučilišta u Kiseljaku, Žrtava Domovinskog rata 1, Kiseljak u 19 sati
- 27 maj 2011. godine u amfiteatru Elektrotehničkog fakulteta u Lukavici, Istočno Sarajevo, Vuka Karadžića 30 u 19 sati
- 28 maj 2011. godine u sali Mješovitog školskog centra „Hazim Šabanović“ u Visokom, Branilaca Bosne 24, u 19 sati

Otvorenu tribinu organizuje Fondacija CPI - Centar za zastupanje građanskih interesa u saradnji sa Svetlanom Cenić.

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.



Centar za zastupanje  
građanskih interesa

Javni novac, odakle dolazi i kuda ide?

# KO? NAS ŠIŠA ●



Saznajte gdje odlazi novac od našeg poreza  
u razgovoru sa **Svetlanom Cenić**.

